



UNIVERSITÄTS-
BIBLIOTHEK
PADERBORN

Universitätsbibliothek Paderborn

Geschichte der geistlichen Stiftungen, der adlichen Familien, so wie der Städte und Burgen der Mark Brandenburg

[Urkunden-Sammlung für die Orts- und spezielle Landesgeschichte]

Riedel, Adolph Friedrich

Berlin, 1843

XV. Die Markgrafen Johann, Otto und Konrad beurkunden, daß das Capitel zu Havelberg seine Besitzungen in den Dörfern Drusedow und Losse und seine Ansprüche auf Damerlang gegen das Dorf Gunthow ...

[urn:nbn:de:hbz:466:1-54314](https://nbn-resolving.org/urn:nbn:de:hbz:466:1-54314)

XV. Die Markgrafen Johann, Otto und Konrad beurkunden, daß das Capitel zu Havelberg seine Besitzungen in den Dörfern Drusedow und Loffe und seine Ansprüche auf Damelang gegen das Dorf Gumthow abgetreten und in der Feldmark des letztern ein neues Wendisches Dorf gestiftet und ihnen die Vogtei über dies Dorf abgekauft habe, im Jahre 1275.

In nomine domini amen. Nos Johannes, Otto et Conradus, dei gracia Marchiones Brandenburgenses omnibus in perpetuum. Quum ea que geruntur in tempore a memoriis hominum simul labantur cum tempore, necessarium decreuimus, ut ea, que per nos temporibus nostri Principatus ad commodum fidelium disponuntur, futurorum noticie testibus et privilegiis exprimamus, ne improbitas aliquorum valeat ipsa post modum aliquatinus irritare. Proinde recognoscimus et presentibus protestamur, quod olim temporibus inclite recordacionis dominorum, Johannis, patris nostri, ac Ottonis, patris nostri, Marchionum Brandenburgensium, de consensu prepositi, prioris ac tocius Havelbergensis Capituli, in villis videlicet Drusedow et Loffa, et de impetitione uille Damlank, que eo tempore ecclesie fuerant, et in villa progenitorum nostrorum Gumtouwe quedam permutacio facta fuit, ita ut dicte ville ecclesie, cum omni iure, quod ecclesia in eis habuit, libere resignate offerrentur nostris progenitoribus possidende, quarum loco predicti pater noster et patruus dictam villam Gumthouwe, cum omni iure, pratis et siluis, pascuis et paludibus, et quicquid in eisdem Marcke habebant terminis, omnem eciam exactionem, quae per Advocatos vel per Bodellus (Bodellos?) eorum exigi consueverat, cum advocacia libere dimittentes, resignauerunt ecclesie et Capitulo perpetuo possidendam, sicut in eorundem privilegiis plenius continetur. Facta autem hac permutacione ecclesia et Capitulum infra terminos dicte ville Gumthouwe fundauerunt quandam novam uillam Slauicalem, in qua advocati nostrorum progenitorum nobis ac sibi ius aliquod usque ad nostra tempora vendicauerunt; Scilicet quod eiusdem uille cives ad uocationem et mandatum Aduocatorum, communia ciuilia placita, que vulgo dicuntur Lantding, deberent in havelberg observare, et quod absentibus possent et negligentibus penas infligere meritas et condignas. Cum igitur jam dicta ecclesia et Capitulum dictam novam uillam Slauicalem, ex huiusmodi nostrorum advocatorum mandato siue nostro sentirent et etiam se gravari, pro remissione huiusmodi iuris nostri, pro donatione libertatis, pro ratihabicione prioris permutacionis, ita ut de cetero nec nos, nec Advocati nostri, nec Bodelli in dicta villa Slauicali habeamus aliquid percipere, exigere vel mandare, nobis nomine emtionis obtulerunt viginti marcas Brandenburgensis argenti pecunie numerate, quam donationem libertatis et remissionem nostri iuris et ratihabicionem prioris permutacionis ecclesie havelbergensi concessimus et concedimus ipsas presenti scripto confirmantes. Testes hujus rei sunt, Dominus Johannes de Yrekesleue et frater eius Borchardus, Henricus de wardenberg, Conradus de Reder, milites, Bertoldus de Niendorpe, aduocatus tunc temporis, et alii quam plures viri nobiles fide digni. Actum in ciuitate Havelbergensi, anno domini M^o.CC^o.LXXV^o, VI^o. Id. Decembr. Datum per manum domini Meinardi, Notarii et nostre curie Capellani. Et ne hanc nostram donationem libertatis, remissionem nostri iuris, in posterum quis infringere valeat, presentem paginam super hiis confectam sigillorum nostrorum appensionibus communimus.

Nach dem Havelberger Copialbuche Bl. 12. Fehlerhaft abgedruckt bei Buchholz a. a. D. S. 102. 103.